


Fusionspläne Döttingen/Klingnau

Aarstadt, Rebstadt oder Döttnau,
wies heisse söll weiss niemert genau.
Fusione händ mer Goofe satt.
En Name brucht d'Stausee-Dorf-Stadt.

Stod de Name chamer plane,
doch dänn bruchts au no ä Fahne.
Fehled oi d'Idee da,
froged ned de – Iviza.



Phillip der Zeitungsheld


Ned nor ade Fritige,
läsed d'Goofe Zitige.
Wüssed drom, wänn eine bällt,
s'laufi lätz, die Woche, ide Wält.

De Hildebrand de hät ä Frau,
was die macht weiss er ned genau.
Dä Christoph weiss genau was lauft,
usserd wär diä - BAZ hät chauft.

Cooler Auto

Kälti hät halt ihre Pris,
im Verkehr gits Schnee ond Is.
Goofe gsänd das ned so stur,
so entstoht en Isskulptur.

Festfahre wiener esch, do stoht er.
De Constantin fählt als Beroter.
De zieht sin Chopf os jeder Schlinge drus.
De schaffts au bi - 36 minus



Zorzi Freizeit

Wenn de Vater zo de Chinde seid,
er well för ehri Zfriedeheit,
das mer öppis undernähm.
„Jo was haltet ihr vo däm?

Minigolf, Petangue, am Rhy go laufe,
bem Beck go trinke, Schue go chaufe,
s'Thermalbad sig jo ned so toll.“
Do meined Goofe: „Papa, - Moll!“

www.goofe.ch

Leere Betten

Usem Usland chömmed Gäscht,
wänd vo de Schwitz numme sbesch,
gnüssed s'Land und das ned zknapp,
doch de höchi Franke schreckt vell ab.

Wie chamer d'Schwitzer Hotel rette?
D'Goofe wänd gern volli bette!
Nor vom Seetal ghört mer sie händ zvil,
wer hundert volli *Bett will?*



Dominio-Triebwagen-Leere

Domino isch es Chinderspiel.
Schwär dra isch jo gar ned vell.
Ossert wänn en Zog so heisst,
wo vo Waldshut nach Choblez reist.
För d' Rhy-Brugg isch d'Klimaalag z'schwär,
drum fahrt de Trebwage mänscheleer.

De Näbel häd sech mol verfare;
d'Goofe sind sech do im klare.
Well er häd jo übernacht,
Begriffe wie mer - Platz macht.

Dollar- und Euro-Schwäche

Mer wänd kei Dollar, Dollar, Dollars send
nüm vell wert – *hey, hey*

Und au de Euro, Euro, Euro isch nümme
hert – *hey, hey*

Und Diletante, Tante Onckle händ im
Kontinent.

Bis anhin säge gha, doch das nemt jetz sis
End – *hey, hey*

Mer wänd kei Dollar, Dollar, Dollars send
nüm vell wert – *hey, hey*

Und au de Euro, Euro, Euro isch nümme
hert – *hey, hey*

Italie, Griecheland, Wegelin, UBS
Nationalbank d'Chefe die händ Stress.

Mega krasse Kaderschwund -
au d'Goofe wössed ned was chond.

Dass sicher i dem Sturm chasch sitze,
bruchts ä Fachchraft a de Spitze.
S'Jobprofil esch schnell begriffe.
Käpten wird wer - cha gradus schiffe.

Abdankung

S'esch skandalös s'esch bodeböös s'esch
schuderbar - aber s'esch wahr!

www.goofe.ch



Einzug

Mer send d'Oberfläche-Goofe,
singed was das Jahr esch gloffe.
Mer send d'Oberfläche-Goofe,
wer en Seich häd gmacht,
wird nöm ruhig chönne schlofe!

Liebi Oberfläche-Goofe
daisch ned alles wämmer hoffe.
Liebi Oberfläche Goofe
singed no ächli...
Mer sended no ä Strophe.

Schöner Bussen Begleichen

I hock im Zog grad vorem Bank,
hinder mer stod Gott sei Dank,
mini Täsche ned am Bode
ond sie werd sich au ned rode.
Aber dänn passiert's Malheur
denn äs chond en Kondikteur.

Gierig fot er afo strahle:

„För die Täsche münd sie zahle!“

D'Goofe lached: „Tuet ois leid.
De Bank do esch occupied.“